

مجموعۃ ابو الخیر

ماسوا شاہ سندن دلی تطہرہ پالش
بر تو حکمت و عرفان الہ خورہ آتش

علوم و معارف دین بحث ایدر۔ و ہر ماہ عربی ابتدا سیلہ اون بشندہ نشر اولنور مجموعہ در۔

عدد ۲۹ - جلد ۳ [فی غرہ ربیع الاول سنہ ۱۳۰۰] نسخہ سی ۳ فروش

قوم بنی اسرائیل

[مابعد عن جزؤ ۲۸]

یهودیلر بر زمانلر آشور و ایران حکمدارلرینه تابع بولندقلری
کبی آسیایی استیلا سندن صکره اسکندر کیرک دخی تحت تابعیتنه
کیرمشلردر .

اسکندر فتوحات معلومه سنک ابتدای سنده لرنده [اسکندریه]
شهرینی بنا ایله آنی موقعی اقتضاسیجه مرکز تجارت عالم اوله جوق
برحاله کتیرمه ساعی اولدیغی زمان یهودیلر دخی کسب قدیملری
اولان صرافلق و معامله جیلک ایله اشتغال ایلک اوزره فوج فوج
اسکندریه هجرت ایلدیلر . ایشته یهودی (رایین) ری یعنی صنایید
بنی اسرائیل او عصرده علوم جدیده نامی آلمش اولان علوم یونانیه .
دن برازی اکتسابنه موفق اولدیلر . اوتاریخندن اعتباراً تجارتله
مشغول اولان هر بریهودی ایچون لسان یونانی بی تحصیل دین
حقیقه یلری اولان منفعت نقطه نظرند فرض عین اولمشدر .

اسکندرک وفاتندن صکره قدسده ممکن اولان یهودیلر
سوریه قرالارینک و اسکندریه ده کیلر مصر حکمدارلرینک زیر تابعیتنه
قالدیلر .

معلومدر که اسکندرک وفاتندن صکره ممالک مفتوحه سی جزالری
پننده تقسیم ایدلمش و ملوک طوائف وجوده کلش ایدی . بونلر ایسه
اکثریا یکدیگری ایله محارب بولندرق کاه غالب و کاه مغلوب اوله کلد .
کارندن یهودیلر دخی برلکده بولندقلری ملت حا که ایله برابر محکوم
اولورلر ایدی .

یهودیملرک بابل اسارتندن بری قدسده قرال نامیله بر حکمداری
بولنموب آنجق محل مذکور بروالی ایله اداره اولنور ایدی .

آنتیوخوس ایفان نامنده کی قدس والیسی زماننده یهودیلر
قیام وعصیان ایش اولملرله شهر بردفعه دهها دوچار نهب وغارت
اولمشر .

بویولده برچوق هزیمتله اوغرادقدن وبرخیلی بیلدر آشیرد .
قدن صکره، یعنی آنتیوخوس ایفاندن تقریباً ۱۵۰ سنه مرورنده براز
جانلانله رق نهایت [آنتیوخوس سیدتهس] دن ضرب مسکوکات
ایچون استحصال امتیازه موفق اولدیلر . بوندن صکره حکمدار نامنی
آلان وحقی تاج بیله اکتسا ایدن رؤسایه مالک اولمشلردر که بونلرک
ایلك تاج کینی [آنتیغون] نام حکمدار ایدی .

بوصرهده ایسه رومالیلر یهودیلرک متبوع حقیقیلری اولان
سوریه قرالرینی نهیدیه باشلامشر ایدی . فقط سوریه حکمداران
روماک مکنتنه قارشی هیچ برکونه مقاومته قدرتیاب اوله میه جقلرینی
بیلدکری جهتله روما سناتوسنه عرض مطاوعت وتقدیم تحف وهدایا
ایله ابراز مخالفت ایلدکلرندن رومالیلر دخی برمدت ایچون کندیلرینه
ایلمامک بولتیقه سنی اتخاذا ایلدیلر .

رومنلرک کوچوک آسیاده ایتدکلی محاربات متمادیه سیبیله
قوم بنی اسرائیل براز راحت ایتکه ونعم استقلال وآسایشدن مستفید
اولغه باشلامش ایکن جبلتلرنده مندمج اولان فساد اخلاق لازمه سنجه
آره لنده ینه شقاق ونفاق رواج بولمغه بربرلینی قتل وافنایه باشلادیلر .
اشبوشورش داخلی انساننده بربرندن کورمش اولدقلری ظلم وعدوانی
یهودیلرک ابا واجدادی وقبیلله اسیرلکننده بولندقلری اقوام اجنبیهک
هیچ برندن کورمالمشلردر .

نهایت یهودیلر شو فتنه داخلیدی برطرف ایچون رومالیلری
کندیلرینه حاکم اتخاب ایلدیلر . ذاتاً اوصرهده کرک آسیای صغراده
وکرک شمالی آفریقاده واوروپا قطعه سنک درنده اوچ قسمنده بولنان

حکومتلرک کافه سی رومالیرک مطابعیتی کندیلری ایچون اسلم تدیر
عد ایتملر ایدی .

بونک اوزرینه رومادن [پومپه] نام ذات منازع بولنان طوائف
یهودک ماییننی بولق وظلمدن اولانلری عزل وتادیب ایتمک مأموریتیه
سوریهیه مواصلت ایلدی .

قدس قرالغنی اله کچیرمک سوداسنه دوشمش اولان [آریستوبول]
نامنده برحریف بر آراق [پومپه] نی آلداتق وبردام حیللهیه
دوشورمک تدیرلرینه مراجعت ایلش اولسندن پومپه بونی کشف ایله
فوق العاده غضبناک اوله رق مرقومی تحت توقیفه آلمش و طرفکیراننی
منهزم و پریشان ایلشدر . نهایت افکار شورشپورانیه تسکین ایچون
صنادید بنی اسرائیلدن برقاچنی قتل واعدام ایلدکدن صکره خاتمه
اصلاحات اولق اوزره آریستوبولی دخی قتل ایلشدر .

والحاصل اسارت ایچنده فلا کته وفلا کتدن قورتیلر قورتلر
ینه بر بشقه مصیبه دوچار اوله کلان یهودیلر براز آسایش وحضور
ایله امرار وقت ایتملری لازم کلیرکن عربده کارقلری نتیجه سی اوله رق
رومالیر قده دعوت ایلدیلر .

روما جزالارندن [قراسوس] ایله [قاسیوس] یهودیلره مستحق
اولدقلری مجازاتی اجرا ایتدکاری کبی [متهلوس سینیون] نام جزال
دخی شورشاره سبب ویرمش اولان آریستوبولک اوغلی اسکندری
چارمیخه اورمشدر .

قیصرک عهد حکومتنده یهودیلر تمامیه امن وراحت ایچنده
قالدیلر . نهایت یهودا قرالارندن مشهور [هرود] رومالیره برچوق
رشوتلر اعطاسیله قدس تاجنی اکتسایه موفق اولمش ایسدهده یهودیلر
مرقومک اولاد یعقوبدن اولمدیغنی و بناء علیه حکومت یهودیهیه اجنبی
بولندیغنی سرد ایله حکمدارلغنی طایق ایسته مدیلر . فقط رومالیر

تاجی مرقومه بخش واکسا ایلدکری زمان یهودیلرک زمانی ضبط
ایتمک آتجق قوی دست بر اجنیتک مقتدر اوله بیله جکئی بک اعلا حساب
ایتملرایدی. بناء علیه یهودک بوبایدکی یاغره و شمتا لری عکس ایدرایتمز
هرودک رفاقتنه روما طرفندن مکمل براردو تعیین ایدیلرک مرقوم
ارض فلسطینه بوصورته داخل اولمش و قدسه وصولنده او حبی
دفعه اولمق اوزره شهر مذکوری غارت و تخریب ابله برابر اهالیئت
قسم اعظمی قتل ایلمشدر.

روما امپراطوری اوغوستوس هرودی دائماً تحت حایه سننده
بولندیردیغی جهتله آز بر زمان ظرفنده مومی الیه حکومتی عربستان
داخلنده اوزمان موجود اولان حکومات صغیره بک کافه سننه تفوق
ایده بک بدرجهیه ایصال ایلدی.

هرود تخریب ایتش اولدیغی قدس شهرینی تعمیر و بیت مقدسک
خاطلرینی مرمت و تجدید ایلدی. معبدک انشاسنه دخی مباشرت ایش
ایسده آخه و عمله بک فقدانندن ناشی اکیال ایده مامشدر. بوندن استدلال
اولنیورکه هرودک خزینه حکومتی نقود مدخره دن خالی ایش.

هله یهودیلر عنندنه جمع نقوده اولان حرص و انهماک معبدلرینه
اولان حرمت و محبتنه غالب بولندیغنه معبدک برچوق زمانلر نامعام
قالیشی دخی آریجه بر دلیل حکمنده طو تلفه شایاند.

هروده قرال عنوانی روما طرفندن براحتیاز مخصوص اولمق
اوزره ویرلمش ایدی. یوقسه بوعنوانک لازمه سی اولان وراثتک
کندیسندن صکره کیمسه یه شمولی یوق ایدی.

هرودک وفاتندن صکره اگرچه آره صره، مثلاً امپراطور قلودک
زماننده آعرپا نام شخصه ویرلدیکی کبی، بعض معتبران یهوده کلیملی
آخه مقابله قرال عنوانی اعطا اولمش ایسده یته اوزماندن بری

قدس مملکتی رومانک سوریه والیلکنه تابع بر متصرفلق حکمنده
قلمش ایدی .

سالف الذکر آغریپانک (بره نپس) استمنده اولان کریمه سی
رومالیرک وجودیله افتخار ایتدکلری برامپراطورک عشق و سوداسنی
جلب ایتکله حسن و آئینه اشهار ایتش ایدی . مومی الیها وطنداشلری
اولان یهودیلرک کندی حقنده روا کوردیکی معاملات تحقیریه دن
بیرار اولمغله برای انتقام واقع اولان تشویقاتی اوزرینه قدسک بر کره
دها رومالیر طرفندن تخرینه سبب اولمشدر . هر قومدهک طائفه
یهوددن استیفای حقه قیام ایتدیکی حالده اعیان یهود حقنی تسلیمدن
استنکاف ایتش ایدی . بناء علیه عندلرنده فاجره اولان بوقیرک قدسی
عادتا بر روم مملکتی حانه کنیرمهک چالشمسندن طولابی افکار یهود
غلیانه کلدی . چونکه بوملتک ظالم و متعدی اولملری مقتضای
فطرتی و علی التوالی مثل سائر طرفندن مجازات کورمه لری لازمه
بختی ایدی .

روما قوماندانلرندن و سپاسیان ایله یتوس تاریخنده مشهور
اولان محاصره نی اجرا ایتدکدن صکره « طاش طاش اوستنده قالماق
اوزره » شهری تخریب ایلدیلر . مؤرخین یهوددن روایاتنده مبالغات
ایله مشهور اولان یوسفک قولجه محاربه مذکوره اثناسنده بر میلیوندن
زیاده یهودی طعمه سیف و سنان اولمشدر .
هر قریه بنی اسرائیل ۱۵۰۰۰ نفوس برلشدیرن بر مؤرخک
بر میلیونی متجاوز یهودی قتل ایتسنه تعجب ایدلملیدر .
بومؤرخک قولجه یهودیلرک بقیه السیونی بهری برخوک ایله
بازارلرده مبادله ایدلش و باخود برخیزر بهاسنه صاتمشد .
اشبوک صکره کی اضحلال اثناسنده یهودیلرینه بر ناجی بولمق

امیدینه دوشمشلر ایدی . آذربانک زماننده [بارقوشباس] اسمنده
 بریهودی موسای جدید اولدیغنی اعلان ایله رومالیلر علیهنده رفع
 لوای عصیان ایدرک باشنه بیکارله یهودی طولاملش ایسده رومالیلرک
 حرب آزما اولان عسکری اوکنده برکون پیله تاب آور مقاومت
 اوله میدری عونہ سیله برابر هلاک اولمشدر .

یهودیلا آن عبادتخانه لرنده مرقومه لغبت خوان اولورلر .
 ماحصل ناجی اخیر بنی اسرائیل اولان بارقوشباسک قیامی
 یهودیلرک باشنه برضربه عقوبت حواله ایلشدیرک آنک شدت تأثیرندن
 حالا باشلرینی قالدیرمغه قدرتیاب اوله مامشلردر .

بر آدمک ادامه نسله مقتدر اوله ماممی عند یهودده معاییدن
 اولدیغی کی مقتدر اولوبده بووظیفه مقدسدهنی ایفادن ابا ایلک دخی
 کباردن بولندیغی جهنله ملت مرقومه ایشته بواعتقادلری سایه مندہ
 بقای قومیتلرنه فوق اوله بیتلشلردر .

یهودیلا عندنده الک بیلک ایکی وظیفه نیک برنجیسی اولاد یلشدیر
 مک ، ایکنجیسی هر فصل اولورسه اولسون باره قزانہ بیتلکدر .

یوقاریدن بری ویریلان تفصیلاتدن معلوم اوله جیغی اوزره
 یهودیلر جمیع زمانده یاعصیان ، یامفسدت ، یاسارت حالنده بولنوب
 شمدی ایسه عمومیتله سرسریدلر . یهودیلرک زعمجه خالق کائنات
 ارضی و کافه مخلوقات عرض و سمایی آنحق کندیلرینک نفع ذاتیلری
 ایچون برآمشدر .

طائفه بنی اسرائیلک اوائلده اسکان ایتش اولدیغی اراضینک
 موقع جغرافیسی و کندیلرینک درجه شجاعت و درایتی بیش نظره
 آلتیرسه بونلرک هر زمانده ملل سارہ دن برینه تابع اولمق استعدادینی
 حازر اولدقلری تعیین ایدر . یهودیلرک اطراف قوی الشکیه و جنگجو
 اقوام ایله محاط ایدی . کندیلری ایسه اقوام مذکورہ به اختلاف دین

سائقه سیله نظر استحقاق و نفرین ایله باقده بولندقلری جهته کنیدیله نه ائتلاف و اتفاق ونه ده آنلرک تحت اداره سنده بولندقلری زمان ترک شقاق ایده بیلورل ایدی .

قوه بحریه ایله برایش کوره بملک دخی یهودیلر ایچون محالاتدن ایدی . چونکه حضرت سلیمانک وفاتندن برار صکره اولجه بحر احمر ساحلنده مالک اولدقلری برلیمانی بیله الدن چیقارمشلر ایدی . ذاتا نبی مشارالیهک انشای سفن ایله بحار عدیده یه سوق و سیرا و معبدینی بنا خدملرنده صوریلیری استخدام ایش اولدقلری توارخ اثریه ایله ثابت اولسندن یهودیلرک کرک حرب و ضربه و کرک صنعت و معرفته مقتدر برملت تشکیله کافی استعداد و قابلیت حاز اولدقلری آکلاسیلیور .

آئوریلر ، میدیالیلر ، ایرانیلر ، سوریهیلر و رومالیلرده اولدیغی کبی یهودیلرده دائمی صورته سنجاق آلتیده بولور قول اردولر دخی یوق ایدی . ایجابنده اصناف و چققی طاقی سلاحه صارملق یعنی نفیر عام قالدیرملق قاعده سی جاری اولدیغندن بالطبع حرب و ضربه مستعد برهیئت عسکریه تشکیل ایده مرز ایدی .

طاغقلری ، قبالقلری ایسه ساکن اولدقلری مملکتک مداخلنی مدافعه یه لازم اولان قابلیت یعنی اتصال و ارتفاع کبی خاصه صعوبت و مناعتی حازر دکل ایدی . بوسبیلله ملتک قسم اعظمی بابل ، ایران و هندستان طرفلرینه سوق واسکان ایدلمش و بر قسم قلیلی دخی اسکندریه ده تجارتله مشغول بولنش اولدیغندن هیچ بریهودیده وطن پرورلک لوازمندن اولان فکر عسکری قالماش ایدی .

گاه جماعت ، گاه فترت و گاه قراللق و گاه والیهک صورتلرینه انقلاب ایش اولان حکومت ملکیهلری دخی اداره عسکریله متناسب برحاله ایدی .

(مابعدی کله جک جزوده)